



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

Dub. I. An & quæna[m] sit finalis causa totius Prædestinationis quo ad
suos effectus: & qua ratione ex hoc ipso fine redi poßit ratio eiusdem,
tu[m] in genere, tum in specie.

[urn:nbn:de:hbz:466:1-72856](#)

tales virtutis bonum à D e o non prædefiniri ante prævisionem peccati; siquidem talis præfinitio alias plane esset interpretativa quædam & virtutis voluntas ipsius peccati; ut bene probat obiecit, & inferius quest. 5. dub. 6. rursus dicitur. Et quamvis Sanctus Augustinus sèpius indicare videatur, præscientiam peccati vniuersim

priorem esse illo bono, cuius peccatum erit occasio; id tamen vniuersim non de præscientia absoluta, sed conditionata intelligendum; ut pro ratione subiectæ materia ex ipso sermonis contextu colligi poterit, & rectè ducit Suarez numero 9.

Q V A E S T I O N E IV.

De Causis Prædestinationis.

S. Thomas I. p. q. 23. a. 5. & 8.

Absolutur hæc questio quinque dubitationibus. I. An, & quanam sit finalis causa totius Prædestinationis, quoad suos effectus: & qua ratione ex hoc ipso fine reddi possit ratio ipsius Prædestinationis, tum in genere, tum in specie. II. An, & quare detur causa meritoria Prædestinationis ex parte Christi, seu generatim, extra Prædestinatum. III. Quanam contra varias heres certa sint, circa causam meritoriam Prædestinationis, ex parte predestinati. IV. Quid Scholastici nonnulli de Prædestinationis causa ex parte predestinati senserint. V. Quanam sit vera sententia de causa Prædestinationis ex parte predestinati: & an omnino detur aliqua causa meritoria, vel dispositiva, seu impetratoria, vel causa per accidens, sive occasio, aut saltem conditio sine qua non, totius Prædestinationis, ex parte predestinati.

D U B I U M I.

An, & quanam sit finalis causa totius Prædestinationis quoad suos effectus: & qua ratione ex hoc ipso fine reddi possit ratio ipsius Prædestinationis, tum in genere, tum in specie.

S. Thomas I. p. q. 23. a. 5.

Explícatis effectibus Prædestinationis sequitur, ut eius causas inquiramus; de quibus magna iam olim cum hereticis; & nunc hodie, etiam nonnulla inter ipsos Catholicos est controvèrsia, ut dubio tertio & quarto explicabitur; postquam hoc & sequenti dubio, iuxta tituli vnicuique præfixi rationem, exposuerimus ea, quæ minorem habent difficultatem, nec admodum controvèrsia sunt.

Supponendum igitur ex dubio præcedent. cum prædestinatio sit actus immanens in D e o, ac proinde realiter idem cum ipsa essentia diuina; ipsius prædestinationis secundum se, & quoad entitatem suam propriè nullam dari causam: nec efficientem, quia in D e o nihil est factum: nec finalem; quia D e o propriè ad nullum finem ordinatur, nec ad seipsum quidem: nec materialem ac subiectuam; quia prædestinatio non est accidentis; nec in Deo vlla est potentia passiva: nec formalem; quia cum prædestinatio sit ipse D e o, & forma non formata, actusque purissimus, non potest ipsa habere aliam causam, formalem. Quo modo etiam Albertus in primum distinctione 41. quest. prima, ait: *Dicendum cum Augustino & Magistro, quod prædestinatio & re-*

probatio non habent aliquam causam: quia nec efficientem, nec materialem ex qua (vel in qua) neque finalem. Idem supponit Sanctus Thomas hic quest. 23. art. 5.

Supponendum secundò, dari tamen causas effectuum prædestinationis: quia nec effectus quidem prædestinationis essent, nisi causas haberent. Nec est aliqua difficultas de efficiente physica: constat enim, D e o esse causam efficientem, primariam omnium effectuum prædestinationis ex questione præcedent. dub. I. An & quanam sit causa efficientis secundaria, ex particulari ratione vniuersiisque effectus facile poterit esse manifestum, cogitanti. Neque de causa materiali, aut formali, est controvèrsia; siquidem illæ etiam ex propria ratione cuiusque effectus prædestinationis facile dignoscuntur & determinantur. Solum ergo est difficultas, tum de causa finali effectuum prædestinationis; tum de meritoria, seu motiva in genere; tam ea, quæ est extra prædestinatum, quam quæ est in prædestinato. Et in praesenti dubio solum agendum est de causa finali; & quanam ratione ex ea reddi possit ratio prædestinationis, tum in communi, tum in particulari quod quidem à no-

bis sc.

bis sequentibus assertionibus declaratur..

4 Assertio I. D e v s , siue gloria diuina , est causa finalis supra omnia effectuum prædestinationis ; secundaria , & immediata subordinata , C H R I S T V S ; minus principalis autem , complementum seu perfectio vniuersi. Ita serè Sanctus Thomas hic question. 23. artie. 5. vbi ait : *Habet tamen hoc modo prædestination ex parte effectus pro ratione diuinam voluntatem , ad quam totus effectus prædestinationis ordinatur , ut in finem ; & ex qua procedit , sicut ex principio primo mouente.* E t respons. ad 3. ait , *ad completionem vniuersi requiri diuersos gradus rerum , &c.* Et vt multiformitas graduum conseruetur in rebus , D E V M permittere aliqua mala fieri. Et rursus question. 19. articulo quinto , ad 3. ait : *D E V S voluit hominem esse hominem , ut frueretur ipso , vel ad complementum vniuersi que quidem non est reducere ad alios fines creatos viuiores.*

Ratio primæ partis est ; quia D e v s est supra causa finalis omnium suorum effectuum ; iuxta illud Proverb. 16. vers. 4. *Omnia propter semetipsum operatus est Dominus , ut generatim dictum citat. disputat.* secunda question. 10. dubio quarto , omnes autem effectus prædestinationis sunt effectus D e i ; quandoquidem prædestination ipsa est actus D e i . Idem patet ex illo ad Rom. 9. vers. 23. *ut ostenderet diuitias gloria sua in vase misericordia , que preparauit in gloriam.* Et Ephes. 1. vers. 12. *Prædestinati secundum propositum eius , &c. ut simus in laudem gloria eius.*

5 Secunda pars colligitur ex simili in Concilio Tridentino sessione 7. capit. 7. vbi dicitur , causam finalem Iustificationis esse gloriam D e I , & C H R I S T I , ac vitam eternam. Idem patet ex illo 1. Corinth. 3. vers. 23. *Omnia enim vestra sunt , vos autem Christi , C H R I S T V S autem D e I .* Plures Scripturae adducuntur dubio 7. ex quibus planè patet , Christum ut hominem esse causam finalem secundariam omnium effectuum prædestinationis , imo & ipsius etiam prædestinationis relate ad suos effectus , tam nostræ , quam Angelicæ ; quam esse posteriorem Christi prædestinatione ibidem ostendemus.

Ratio tertiae partis est ; quia gloria diuina elucescit ex perfectione vniuersi : & pars cuiusque totius immediatus refertur ad bonum & perfectionem totius , quam ad ipsum finem supremum totius.

6 Assertio II. Ex eo ipso proinde fine reddi potest ratio Prædestinationis aliorum , & reprobationis aliorum in communi , cur scilicet aliqui à D e o prædestinentur , aliqui reproben- tur , indefinite loquendo ; desumpta nimurum tum ex perfectione vniuersi ; tum ex representatione diuina perfectionis , & manifestatione Sapientiæ , bonitatiæ , & iustitiæ D e I . Ita sanctus Thomas hic quæstio. vigesima tercia articulo quinto , ad tertium , & videtur fere extra controueriam , si generatim loquamur. In specie autem ita etiam docent Heruæus in primum dist. 40. question. prima , Durandus dist. 41. q. se- cunda , item Gerson , Egidius &c. quos sequun-

tur & referunt. Eckius in Chrysopasso centur. 2. numero vigesimo secundo , & Carthusianus in primum distinct. 41. quæstio. p. t. , & con- sentiunt Thomistæ omnes , alijque , Scriptores recentiores inferius citandi. Solus Aureolus , quod equidem sciāt , in primum distin. quadragesima prima quæstion. prima , articulo primo , Sanctum Thomam impugnat , sed absque neruo. Solum probat , esse etiam aliam causam reproba- tionis positivæ , ex parte prædestinati , quod nemo negat. Ratio est manifesta. Quia quic- quid ex voluntate D e i fit , utique fit ad maiori- rem ipsius gloriam ; & ut ex perfectione vniuersi perfections D e i magis manifestentur : quæ proinde etiam ratio generalis est omnium op- petum diuinorum.

Est autem opera preium , verbâ formalia san-cti Thoma , & aliorum quorundam veterum Theolo-gorum , in re tam graui , hic subiungere , præ- fertim quia sunt nonnulli , qui licet aperte asser-tionem hanc negare non ausint , subinde tamen doctrinam Sancti Thomæ hac in re velut durio-rem vellicare videntur ; alij etiam dutius fortasse explicant , quam mens Sancti Thomæ exigat. Ia autem loquitur S. Thomas loc. cit. [Dicen- dum , quod ex ipsa bonitate diuina ratio sumi po-test prædestinationis aliquorum , & reprobationis aliorum. Sic enim D e v s dicitur omnia propter suam bonitatem fecisse , ut in rebus diuina boni-tas repræsentetur. Necesse est autem , quod diuina bonitas (quæ in se est vna & simplex) multiformiter repræsentetur in rebus , propter hoc , quod res creatæ ad simplicitatem diuinam attingere non possunt. Et inde est , quod ad comple-tionem vniuersi requirantur diuersi gradus re- rum , quarum quædam altum , & quædam infi- mum locum teneant in vniuerso. Et vt multi-formitas graduum conseruetur in rebus , D e v s per-mittit aliqua mala fieri , ne multa bona impe-diantur , ut supra dictum est. Sic igitur con-sideremus totum genus humanum , sicut totam rerum vniuersitatem. Voluit igitur D e v s , in hominibus , quantum ad aliquos , quos præde-stinat , suam repræsentare bonitatem , per modum misericordia parendo ; & quantum ad ali- quos quos reprobat , per modum iustitiae pu-niendo. Et hæc est ratio , quare D e v s quosdam eligit , & quosdam reprobat. Et hanc eaulam assignat Apostolus ad Roman. 9. dicens. Volens D e v s ostendere iram , id est , vindictam iusti- tiae , & notam facere potentiam suam , susti-nuit , id est , permisit in multa patientia vase iræ apta in interitum , ut ostendat diuitias glo- riae sua , in vase misericordia , que preparauit in gloriam. Et 2. Timoth. 2. dicit , In magnâ domo non solum sunt vase aurea & argentea , sed etiam lignea & fictilia. Et quædam quidem in honorem , quædam in contumeliam.] Ita sanctus Thomas.

Quæ tamen ita minimè intelligenda sunt , quæ D e v s ante præscientiam absolute pec- cati , habuerit intentionem , vel voluntatem , absolute & efficacem , manifestandi suam iusti- tiam vindicantium ; siquidem Deus ex se &

propria sua quasi propensione talen voluntatem non habet; vt dictum supra disputatio. 2. quæstio. 10. dub. 3. alias enim virtute & interpretatione vellet ipsam etiam culpam, vt in simili dictum quæstio. præcedent. dub. 3. & quod hoc bene etiam doct. Aureolus loco citat. enī contrarium indicet Heruæus in 1. dist. 40. q. 1. sed solum habuit voluntatem illam post præuisionem culpam: ante præuisionem hanc autem solum præcognovit, se posse hoc bonum elicere ex peccato, si ab homine fieret; adeoque voluntatem tantum conditionatam habuit, ita se gerendi cum homine, si ipse peccaret, vt bene notarunt inter alios etiam Molina hic quæst. 23. articulo 5. disputat. 1. memb. 6. & Suarez hic lib. 5. de prædestinat. capit. 5. numero 11.

Ratio ergo S. Thomæ in hoc consistit: quod sicut ad repræsentandam, vt decebat, variè diuinæ naturæ perfectionem, opus erat in genere naturæ, varios gradus & ordines rerum existere, ita etiam ad declarandam maiestatem suam, vell authoris ordinis supernaturalis, voluit conuenienter D E V S , in creaturis intelligentibus, quæ sola capaces sunt finis supernaturalis, partim directe efficiendo & procurando, partim, quoad malitiam, solum permittendo, varios ordines & gradus esse; vt scilicet in ijs quidem, quos prædestinat; suam ostenderet bonitatem, per misericordiam parcendo; in alijs vero quos supposita permissione peccati, ob permisum à se & præuisum peccatum reprobavit, eiusdem sue naturæ perfectionem demonstraret, per Iustitiam puniendo.

Idem confirmatur ex illo Exodi 9. versu 16. quod etiam refertur ab Apostolo citat. Rom. 9. versu 17. *Dicit enim Scriptura Pharaoni, quia in hoc ipsum excitaui te, vt offendam in te virtutem meam, & ut annuntiem nomen meum in vniuersa terra.* Quo modo etiam de saluatione loquitur psalmus 105. versu 8. *Et saluauit eos propter nomen suum, vt notam faceret potentiam suam.* Ex quo vtroque loco patet, & saluationem bonorum, & damnationem malorum, referri ad demonstrandam Dei perfectionem; hinc quidem Iustitiam; illinc autem potentiam bonitatis diuinæ.

Eodem modo loquitur Durandus loco citat. numero 8. vbi ait: [*Potest tamen reddi ex perfectione vniuersi, & ex representatione diuina perfectionis causa scilicet totius effectus prædestinationis in genere.* Ex perfectione vniuersi sic: Ad perfectionem vniuersi pertinet, quod contineat non solum omnes gradus perfectionis in natura, sed etiam omnes gradus bonitatis & perfectionis in moribus, sed vniuersum non contineret omnes gradus bonitatis & perfectionis in moribus, nisi Deus quosdam ex misericordia saluaret, & alios ex iustitia puniret; si enim omnes saluaret, decesseret vniuerso bonum Iustitiae punientis: igitur perfectio vniuersi requirit, quod aliqui prædeterminent & saluentur, alii vero permittantur cadere, & in casu manere, vt secundum dammentur & puniantur. Idem patet ex representatione diuinæ perfectionis: quia perfectius representant diuinam perfectionem o-

mnis effectus simul sumptu, quam aliquis eorum per se sumptus; & ideo in vniuerso sunt diversi effectus, vt secundum alium & alium modum diuina perfectio representetur. Et sicut est de partibus vniuersi generaliter, sic est de creatura intellectuali specialiter: nam si omnes saluarentur, aut omnes damnarentur, non rot modis representaretur diuina perfectio. Quosdam ergo prædestinat, representando bonitatem suam per modum misericordie: alios vero damnat, representando perfectionem suam per modum iustitiae.] Ita Durandus; & addit, [*hac esse, in quibus communiter Doctores concordant.*]

Item Gerfon lib. 1. de confolat. Theol. Quid si Deus, inquit, vult in magna domo sua manifestare diuinias gloriae sua? isto in ostensionem misericordia sua; alijs in manifestationem iustitiae; glorificans illos ex misericordia, ijs ex iustitia derelinquens; quatenus resulet carmen illud pulcherrimum, ex graui tenore iustitiae, & molli cantu misericordie, de qualib[us] profiteretur Propheta, Misericordiam & in dicimus cantab[us] tibi Domine. Ita Gerfon. Hæc ergo vt dixi, est communis Doctorum sententia: qua satis ex dictis declarata & probata relinquitur, & vero procedit etiam, siue præterea dentur alij fines particulares vniuersiisque prædestinationis, siue non.

Affiratio III. Tamen si, vt dictum, ex ipsa causa finali effectuum prædestinationis, in genere assignari possit ratio, cur aliqui prædeterminentur à Deo, aliqui reprobentur; tamen in particulari cur isti sint prædestinati ad gratiam & gloriam, alii non item, sed supposita præscientia peccati reprobati; nulla potest alia ratio reddi, prater diuinam voluntatem. Ita contra Aureolum in 1. d. 41. q. 1. a. & ferè etiam contra Bonaventuram in 1. dist. 41. a. 1. q. 2. cuius verba referemus q. 5. dub. 3. habet communis Doctorum sententia, cum S. Thomæ cit. q. 23. art. 5. quo loco post verba superius relata mox subiungit: [*Sed quare hos elegit in gloriam, & illos reprobavit, non habet rationem, nisi diuinam voluntatem &c.* Sicut etiam in rebus naturalibus potest assignari ratio, cum prima materia tota sit in se uniformis, quare una pars eius est sub forma ignis, & alia sub forma terræ, à Deo in principio condita, vt sit diversitas speciei in rebus naturalibus. Sed quare hac pars materia est sub ista forma, & illa sub alia, dependet ex simplici diuina voluntate: sicut ex simplici voluntate artificis dependet, quod ille lapis est in ista parte parietis, & ille in alta; quamvis ratio artis habeat, quod aliqui sint in hac, & aliqui sint in illa.] Ita Sanctus Thomas, qua refert etiam, nec improbat Richardus in 1. dist. 41. a. 2. q. 2.

Eadem propositum habet Heruæus in 1. d. 40. q. 1. vbi ait: [*Quod in quibusdam inueniatur Iustitia puniens, in alijs misericordia liberans, pertinet ad perfectionem vniuersi. Sed quod iste homo determinat punitur, & reprobatur, ille autem salueretur, non pertinet ad perfectionem vniuersi, vel manifestationem diuinæ bonitatis, plus, quam si fieret è conuerso.*] Quod mox etiā exemplo temporalis politiæ aptè declarat: [*In humanis etiam, inquit, ponimus exemplum, Quod si in aliquo*

aliquo regno, cui aliquis Rex præsidet, essent omnes alij à Rege æquales in scientia, & virtute, & in omnibus; & nullus eorum haberet Ius in possessionibus, siue rebus regni, nisi de voluntate regis: hoc supposito, bene posset ostendi, quod ad perfectam bonitatem regni requireretur, quod quidam illorum essent coloni, quidam milites, & quidam consiliarij, & quidam regerent ynam partem regni, quidam aliam; sed quare determinat iste fiat colonus, & ille miles, non potest ostendi ex bonitate regni. Bonitas enim communis non exigit plus, quod iste sit miles, & iste colonus, quam è conuerso; ex quo à principio ponuntur pares in omnibus: sed hoc pendet ex mera voluntate regis. Nec tamen voluntas Regis, qui facit istum militem, & illum colonum, est irrationabilis; licet non inueniatur in isto, quare debeat esse plus miles, quam ille colonus: quia in talibus, in quibus non potest inueniri causa, quare vnum præferatur alteri, non est querere causam, quare hic præferatur illi, sed pro libito ut hīc illis, illo ad diuersa, prout exigit communis utilitas, est rationabile. Sic est de reprobatis & saluandis, ita quod potest applicari ad eos, sicut & præcedens exemplum.] Ita Heraeus.

¹² Idem habet Durandus in 1. distinct. 41. quæst. 2. numero decimo quarto, vbi exemplo quoque artificio rem declarat, quo etiam Apostolus vtitur Rom. 9. [Dicendum, inquit, quod non potest in particuli redi causa prædestinationis; licet possit redi in vniuersali, modo superiori expresso. Non enim pertinet ad perfectionem Vniuersi, vel representationē perfectionis diuinæ magis, quod iste saluerit, & ille damnetur, quam è conuerso. Huius autem ponitur duplex exemplū, vnum in artificialibus, & aliud in naturalibus. In artificialibus enim videmus, quod bene potest redi ratio, quare filius de eadem massa facit vas in honorem (hoc est, ad honorabiles usus) alia autem facit in contumeliam, & ad viles usus; quia hoc requirit perfectio domus, qua utrisque indiget: sed nulla causa redi potest, quare ex hac parte massa facit vas in honorem, & ex alia facit vas in contumeliam (cum tota massa secundum se sit similis & uniformis) nisi solam voluntatem artificis.] Ita Durandus, qui mox exemplum in naturalibus petitum subiicit; sed quod iā ex S. Thomā retulimus. Idem sentiunt & docent eitati pro præcedente assertione, & fūse inter alios persequitur, atque ex Augustino probat etiam Péterius in cap. 9. ad Rom. disputat. 12. & 13. neque dissentit quoad hoc Molina hic quæst. 23. art. 5. disput. 1. memb. 6. Opposita autem Aureoli fundamenta partim in fine huius dubitationis, partim quatenus causam prædestinationis ex parte vniuersiisque prædestinati assignantur, dub. 4. dissoluentur.

Probatur eadem assertio. Primò ex Scriptura, quæ causam huius rei, cur in particuli vñus eligeretur, alias reprobetur, vñmatre ad solam D's voluntatem, & occultam eius consilia ac iudicia reuocat. Rom. 9. vers. 11. [Cum enim nondum nati fuissent (Jacob & Esau) aut aliquid boni ca-

gisserent, aut mali, (vt secundum electionem, propositum Dei maneret) non ex operibus, sed ex vocante dictum est ei: Quia maior seruier minor: sicut scriptum est; Jacob dilexi, Esau autem odio habui. Quid ergo dicemus? nunquid iniqüitas apud Deum? absit. Moysi enim dicit, Miserebor, cuius misereor; & misericordiam præstabo cuius miserebor. Igitur non volentis, neque currentis, sed miserentur est Dei. Dicēt enim Scriptura Pharaoni, Quia in hoc ipsum excitaui te, vt ostendam in te virtutem meam, & vt annuntier nomen meum in vniuersa terra. Ergo cuius vult miseretur, & quem vult indurat. Dicis itaque mihi, Quid adhuc queritur? voluntati enim eius quis resulit? O homo, tu quis es, qui respondeas Deo? Nunquid dicit signum ei, qui se fixit, Quid me fecisti sic? Annon habet potestatem filius luti, ex eadē massa facere aliud quidem vas in honorem, aliud verò in contumeliam?] Vbi apertissimè vides, in voluntatem Dei huius rei causam referri; idque eodem exemplo ex artificialibus perito demonstrari, quo à Scholasticis ipsis, qui hanc assertionem tradunt, explicari solet.

Eodem spectat illud Apostoli Rom. 11. vers. 33. [O altitudo diuinarum sapientia & scientia Dei: quam incomprehensibilia sunt iudicia eius, & inuestigabiles via eius! Quis enim cognovit sensum Domini? aut quis consiliarius eius fuit? aut quis prior dedit illi, & retribuerit ei?] Vbi rursum ad inscrutabilia Dei consilia refertur illud, quare repudiatis ad tempus Iudeis, proper incredulitatem, Dei misericordia, ac verè fidei cognitio genibus obtrigerit.

Secundò probatur assertio ex Sancto Augustino, qui eam frequenter tradit & repetit. Testimonia illustriora sunt ista. Lib. 1. de prædestinatione Sancti. cap. 8. [Our ergo, inquit, non omnes docet, vt veniant ad Christum? nisi quia omnes, quod docet, misericordia docet; quos autem non docet, iudicio non docet: quoniam cuius vult miseretur, & quem vult obdurat: sed miseretur, bonum tribuens; obdurat digna terribuens.

Et ibidem capit. 9. [Fides igitur & inchoata, & perfecta, donum Dei est: & hoc donum quibusdam dari, quibusdam non dari, omnino non dubitet, qui non vult manifestissimis sacris literis repugnare. Cur autem non omnibus detinet fidelem mouere non debet, qui credit ex uno omnino esse in condemnationem, sine dubitatione iustissimam: ita vt nulla Dei iusta esset reprehensio, etiam si nullus inde liberaretur. Vnde constat, magnam esse gratiam, quod plurimi liberantur, & quid sibi debereant, in eis quinon liberantur, agnoscant: vt qui gloriantur, non in suis meritis, qua paria vident esse damnatis; sed in Domino gloriantur. Cur autem istum potius, quam illum liberet, inscrutabilia sunt iudicia eius, & inuestigabiles via eius. Melius enim & hic audimus, aut dicimus, O homo tu quis es, qui respondeas Deo? quam dicere audeamus, quasi nouerimus, quod occultum esse voluit; qui tamen aliquid iniustum velle non potuit.]

14

15

Et lib.

Et lib. sequenti de bono persecutantur. capit. 8.
ait: [Cum enim iustus esset, etiam si virumque puniret, quilibet liberatur, habet unde gratias agat; qui damnatur, non habet quod reprehendatur. Sed si iam, inquit, hoc oportebat, ut damnatis non omnibus, quid omnibus deberetur, ostenderet, atque ita gratias suam gratiam in variis misericordia commendaret, cur in eadem causa me potius, quam illum puniet, aut illum, quam me potius liberabit? Hoc non dico, si queris, quare: quia fateor me non inuenire, quid dicam. Si & hoc queris, quare: quia in hac re, sicut iusta est ira eius, sic & magna est misericordia eius: ita inscrutabilia iudicia eius.]

17

Et mox explicans, cur non omnes in bono proposito persecutentur, denique ad diuinæ prouidentiæ dispositionem recurrit: [Adhuc pergit & dicat, cur quibusdam, qui cum coluerunt, bona fide, perseverare vsque in finem non dedit? cur putas? nisi quia non mentitur, qui dicit, Ex nobis exierunt, sed non erant ex nobis: nam si fuissent ex nobis, mansissent utique nobiscum. Nunquid ergo hominum naturæ duæ sunt? absit. Si duæ naturæ essent, gratia vlla non esset: nulli enim daretur gratitudo liberatio, si naturæ debita redderentur. Hominibus autem viderur, omnes qui boni apparent fideles, persecutantia vsque in finem accipere debuisse. Deus autem melius esse iudicauit, miscere quosdam non persecuturos, certo numero Sanctorum suorum, vt quibus non expedit in huius vita tentatione securitas, non possint esse securi. Multos enim à perniciofa elatione reprimit, quod ait Apostolus, Quapropter qui videatur stare, videat ne cadat. Voluntate autem sua cadit, qui cadit: & voluntate Dei stat, qui stat. Potens est enim Deus statuere illum; non ergo ipse seipsum, sed Deus. Veruntamen bonum est, non altum sapere, sed timere. In cogitatione autem sua vel cadit quisque, vel stat. Sicut autem Apostolus ait, quod & in libro superiori memoraui, Non sumus idonei cogitare aliquid quasi ex nobismetipsis, sed sufficientia nostra ex Deo est. Quam scutus Beatus Ambrosius (de fuga seculi cap. 1.) audet, & dicit: Non enim in potestate nostra est cor nostrum, & nostra cogitationes: quod omnis, qui humiliter & veraciter pius est, esse verisimum sentit.] Ita S. Augustinus ex S. Ambroso, cuius dictum veram etiam assertionis causam continet, vt inferius declarabitur.

18

Et paulò post eodem cap. 8. [Ex duobus, inquit, parvulis originali peccato pariter obstrictis, cur iste assumeratur, ille relinquatur; & ex duobus ætate iam grandibus impijs, cur iste ita vocetur, vt vocantem sequatur; ille autem aut non vocetur, aut non ita vocetur, vt vocantem sequatur, inscrutabilia sunt iudicia Dei. Ex duobus autem pijs, cur huic donetur persecutaria vsque in finem, illi autem non donetur; inscrutabiliora sunt iudicia Dei. Illud tamen fidelibus debet esse certissimum, hunc esse ex prædestinatione, illum non esse.]

19

Et inferius eodem lib. de bono persecut. capit. 11. ait Sanctus Augustinus: [Proinde sicut Apo-

stolus ait, Non volentis, neque currentis, sed miserentis est Dei; qui & parvulis quibus vult, etiam non volentibus, neque currentibus subuenit, quos ante constitutionem mundi elegit in. C H R I S T O , datus etiam eis gratiam gratiæ, hoc est, nullis eorum vel fidei, vel operum meritis præcedentibus: & maioribus etiam his, quos præuidit, si apud eos facta essent, suis miraculis credituros, quibus non vult subuenire, non subuenit: de quibus in sua prædestinatione occulte quidem, sed iustè aliud iudicavit: non enim est iniurias apud Deum, sed inscrutabilia sunt iudicia eius, & inuestigabiles viae eius: Vniuersæ autem viae Domini misericordia & veritas. Inuestigabilis ergo est misericordia, qua cuius vult miseretur, nullis eius præcedentibus meritis: & inuestigabilis veritas, qua quem vult obdurat, eius quidem præcedentibus meritis, sed eū eo cuius miseretur, plerumque communibus. Sicut duorum geminorum, quorum unus assumitur, alius relinquitur, dispar est exitus, merita communia. In quibus tamen sic alter magna Dei bonitate liberatur, vt alter nulla eius iniuriate damnetur. Nunquid enim iniurias est apud Deum? absit: sed inuestigabiles sunt viae ipsius. Itaque misericordiam eius in his qui liberantur, & veritatem in his qui puniuntur, sine dubitatione credamus: neque inscrutabilia scrutari, neque inuestigabilia vestigare conemur.

Et tandem caput idem concludens, ait sanctus Augustinus: In eorego, quod alijs eam (gratiæ) das, alijs non das, cur nolunt cantare domino misericordiam & iudicium? Cur autem illis paties, quam illis detur, quis cognovit sensum Domini? quis inscrutabilia scrutari valent? quis inuestigabilia vestigare? Quibus verbis breuiter utramque assertionem nostrâ assertit, & quod in genere ratio detur ex parte Dei, prædestinationis & reprobationis; nimis manifestatio diuinæ misericordie & iustitiae; sed in particulari nulla, vt dictum.

Et rursus tractat. 26. in Ioann. Quare hunc trahat, & illum non trahat, noli velle diuidicare, si non vult errare. Et epist. 105. Cur illius potius, quam illum liberet, aut non liberet, scrutetur, qui potest, in diuiniorum eius tam magnum profundum; sed caueat precipitum.

Et lib. 1. ad Simplicianum quæstion. 2. sed si hoc mouet, inquit, quod voluntati eius nullus resifti, quia cui vult, subuenit, & quem vult, deserit; cum & ille, cui subuenit, & ille quem deserit, ex eadem massa sunt peccatorum, & quamvis debeat: utique supplicium, ab uno tamen exigatur, alteri donetur: si hoc e. go mouet, Homo tu quis es, qui respondet DEO?

Denique lib. de Spiritu, & lit. capit. 34. [Iam si ad illam, inquit, profunditatem scrutadam, quisquam nos coarctet; eunilli ita suadeantur; vt persuadeatur; illi autem non ita; duo soli occurserunt interim, quare respondere mihi placeat, O altitudo diuinarum; & Nunquid iniurias apud Deum? Cui responsio ista displiceret, quare doctiores, sed caueat, ne inueniat præsumptores.]

Idem sapius repetit S. Prosper, defensor S. Augustini contra Semipelagianos. Etenim lib. ad

excerpta

excerpta Genuensium, resp. ad dub. 7. Curauteum istum potius, quam istum liberet, respondet: *Inscrutabilia sunt iudicia eius, & inuestigabiles via ipsius. Melius enim & hic audiamus, O homo tu quis es, qui respondeas Deo? quam dicere audeamus, quasi nouerimus, quod oculum esse voluit, qui tamen aliquid iniustum velle non posuit. Hoc omnia, si non recte dicta sunt, scrutabilia sunt iudicia Dei, & vestigabiles via eius: nec occultum est, quare ille potius, quam iste saluetur; & in eis, non in Domino glorificabitur, qui alijs virtuo supereruntibus, electione dignus invenitus est: ac sic iustitia quidem erit, quod plurimi damnantur, sed non erit gratia, quod plurimi liberauntur, &c.*

24 Et ibidem resp. ad dub. 9. *Quare autem non omnes, aut quare illos potius, quam illos liberat, nec necessarium est querere, nec possibile reperire: cum omnes discretiōnistis causis, scire sufficiat, quod nec misericordia iustitiam, nec iustitia auferat misericordiam apud eum, à quo nemo nisi iuste damnatur, nemo nisi misericorditer liberatur.*

Denique resp. ad dub. 4. acriter reprehendit Pelagianos aliter sentientes: *Inscrutabiles igitur sunt, inquit, & misericordia, qua gratia liberat, & veritas, qua iuste damnat. Non est ergo sanarum mentium, ista reprehendere, & inscrutabiles vias Domini, hoc est, dona misericordiae, & iudicia veritatis, Pelagianorumulationi penetrabilia deputare. Quia secundum ipsius non latet consilium Dei, nec in occulto est diuina ratio voluntatis, si erga omnem hominem tam gratia Dei, quam ira merito est. Similia habent Fulgentius, & alij SS. Patres: qua quidem hoc loco prolixius referre placuit, vt quasi fundamenti loco deseruirent ad ea, quæ degraduita Dei prædestinatione inferius dicturi sumus dub. 5. & q. 5. dub. 1. 4. & 5.*

25 Ratus vero assertio ex eo minimè pendet, quod prædestination ad gloriam facta sit ante præmissionem meritorum, seu mediorum, quibus prædestinatio quisque salutatur; licet enim hinc etiam assertio recte ducatur, id tamen nec est necessarium ad assertione tuendam, & eft non paulo incertius, quam ipsa assertio: sed sumitur ex eo, quod & pari hominum conditione existente, & æquali diuina gloriae prouentu, ipsiusque Vniuersi perfectione inde consecutura, nulla causa est, cur Deus detnigratiam congruam, qua ad finem usque iustus perseueret, alij non item.

Quod argumentum hoc modo explicatur. Si enim esset causa sive ratio, cur Deus hunc potius, quam alium prædestinasset ad gloriam congruam, simul, & gloriam, tum ea ratio vel desumeretur à Deo prædestinante, vel à perfectione Vniuersi, vel ab homine prædestinato: nihil horum dici potest. Non primum. Quia si ratio desumti à Deo posset, ea esset, vel quia non par ad Deum gloria redundasset, si alium potius, quam hunc ad gloriam similiter & gloriam prædestinasset; vel quia non potuit alium similiter ad gloriam & gloriam prædestinare & perducere; tertium enim non datur, nisi quis dicat, rationem esse, quia non voluit; quo ipso iam habemus intentum; hoc ipsum enim est, quod dicimus, præter ipsam voluntatem & beneplacitum Dei, non posse assignari aliam rationem eius rei: at vero ex duabus alijs causis neutra potest habere locum. Non prima. Quia cum

gloria Dei ex prædestinatione hominum inde oriatur, quod Deus, pro sua bonitate, hominem, vel Angelum, ex tanta peccati miseria & indignitate, seu ingenita natura imbecillitate, ad tantum gradum gratiae & gloriae uehat; nihil interest, quis in individuo sit homo, seu Angelus, cui talis gratia obtringt; quando quicquid in uno est ad eum finem obtainendum prærogativa & momenti, patiter etiam ad alium transferri potuit. Neque secunda causa locum habere potest: quia illa impossibilitas vel ex ignorantia prouenisset, vel ex impotentiā, seu virium defectu: ut vtrumque impium est dicere, nimurum Deum aut modum nullum habuisse perspectum, quo alium similiter ad parem gratiae & gloriae gradum posset prouehere; aut si modum perspectum habuit, non tamen potuisse in opus redigere; vt supra etiam S. Augustinus differentem audiimus.

26 Neque secundum dici potest, rationem videlicet eius rei assignari posse ex perfectione Vniuersi: quia ad perfectionem Vniuersi solum spectat, vt in ordine rerum & effectuum etiam supernaturalium varij sint gradus, & varia differentiae, secundum quas, ad finis supernaturalis consecutionem, vel etiam ad diuinam gloriae manifestationem, ex hominibus, vel Angelis, varijs variè se haberent; vt in alijs præ ceteris misericordia, in alijs iustitia elueret, &c. sed hoc ipsum & quæ etiam accidisset, sive his, sive alijs, pari numero & perfectione fuissent prædestinati, vt patet,

Neque tertium dici potest, assignari videlicet rationem posse ex parte ipsius prædestinati. Tum quia nulla ex parte prædestinati est ratio, vel causa, totius prædestinationis, vt dubio 3. & 4. dicitur. Tum quia omnes homines & Angeli, quantum ad hanc rem attinet, paris sunt conditionis; parique conditione Deo prædestinanti offeruntur. Aut enim ponitur prædestinatio ad gratiam & gloriam prior præmissione peccati, aut in homine posterior. Si prior, iam quia Deo prædestinanti obiciuntur omnes homines & Angeli pari condizione innocentia, nulla plane ratio ex parte hominum, aut Angelorum esse potest, cur hos vel illos selegerit & prædestinaverit ad gloriam & gloriam potius, quam alios: sicut nullaratio est, cur ex infinitis alijs hominibus, quos præter Adamum & posteros eius facere potuerit, hos potius, quam alios ex illo mera possibilite nihil extrahere, adeoque producere voluerit. Si vero prædestination hominum facta est post peccati præmissionem, rursus nulla causa est, cur pari existence, indignitatis & peccati conditione, hos potius quam illos voluerit gratiae congruae largitione ad gloriam remissionis peccatorum ac perfeuerantiam finalē prædestinare, quam alios.

Quod si dicas, istos vocacioni respondisse, alios non item, redit quæstio, cur non & hos ita vocauerit, vt responderent, sicut sane poterat. Nam vt ait Augustinus lib. 1. ad Simplic. quæst. 2. Cum alius sic, alius autem sic moueat ad fidem, eademque res sepe alio modo dicta moueat, alio modo dicta non moueat, alium moueat, alium non moueat, quis audeat dicere, defuisse Deo modum vocandi, quo etiam Esau ad eam fidem

mentem applicaret, voluntatem coniungeret, in qua latro iustificatus est.

Quod si rursum opponas, alios plus peccasse, quam istos prædestinatos: id in primis viuenterim verum non est, quia è duobus infantiis, quorum unus prædestinatus, alter reprobus moritur, neuter peccati conditione altero melior, aut deterior est, vt patet. Deinde etiam si inter adulteros, quod ad conditionem peccatorum personalium, unus sit altero deterior; sepe tamen accidit, vt maior peccator sit prædestinatus, minor reprobus: item esto, semper minor peccator potius à Deo prædestinatur, quam maior, quod quidem falso sum est; nulla tamen ratio est, cur Deus maiorem peccatorem non aquè etiam sua gratia à pluribus illis & maioribus peccatis præseruari, qua præseruauit alterum; cum utrumque ex quo præseruare potuisse, vt superior dictum; & priusquam utrumque illum committeret peccatum, quod peccati originalis conditionem planè pares essent, & ex quo Dei misericordia & indigia, & indig.

Si recurras ad alia obsecula, vel impedimenta, quæ vnius saluti, aut prædestinationi potius, quam alterius obsebat, rursum recurrit quæstio, quare non pari conditione opportunitateque utrumque constituerit; aut si voluit dispari, cur non illum potius, quam illum, tali conditione locique aut temporis opportunitate gaudere voluerit; aut cum sepe importunus quodammodo & violentus adiutor, ipse interuenierit, vt in Saulo humi prostrato videatur, cur non pari vi & efficacia gratia etiam illum faciat dignatus. Nihil ergo hic potest respondenti, præter illud, aliud. Exemplis autem cum è rebus naturalibus, tum artificialibus, tum etiam politicis eadem assertio iam ex S. Thoma, Heruæo, Durando, satis explicata est.

Ex quibus etiam patet, quid respondendum sit ad Aureoli fundamentum. Ait enim, Deum nullum reprobare, abs causa affirmativa, nec prædestinare abs causa negativa, & hinc reddi posse rationem, cur Deus unum potius quam alterum prædestinet. Sed hoc fruolum est. Nam præterquam quod dictum illud de causa negativa prædestinationis planè falsum est, vt dicetur dub. 4, certè eti Deum nullum positivè reprobat, nisi ob præsumptum peccatum, vt quæstione 7, dicetur, nulla tamen est causa, cur pari existente peccati causa in omnibus, hunc potius, quam alium reprobet, vt dictum.

Objecciter secundò. Si nulla sit causa, vel ratio, cur Deus hunc potius, quam alium prædestinaverit ad gloriam & gloriam, vel contra hunc potius, quam alium reprobauerit & reiecerit à gratia congrua, & gloria, tunc sequitur, Deum prædestinando homines & Angelos, in pari causa & conditione corunder, inegaliter ad eos schabuisse; adeoque apud Deum esse acceptio personarum; quod cum sit virtutum Iustitiae oppositum, blasphemum est dicere, & contra Apostolum Roman. 2, v. 11. Non enim est acceptio personarum apud Deum. Quicunque enim sine lege peccaverunt, sine lege peribunt; & quicunque in lege peccaverunt per legem iudicabuntur. Et Ephes. 6, v. 9. scientes quia illorum & vestri Dominus est in celis: & personarum acceptio non est apud eum. Et Cor. 10, 3, v. 35. Qui iniuriam facit, recipiet id, quod imique

gesit, & non est personarum acceptio apud Deum. Et I. Pet. 1, v. 17. Et si patrem invocatis eum, qui sine acceptione personarum iudicat secundum unius eiusdem opem, in time-
re incolias vestris tempore conversamini.

Respondeatur cum S. Thoma hic quest. 23, art. 5. ad 3. Acceptio personarum locum habere solum in distributione eorum, quæ ex Iustitia alii debita sunt, non autem in gratuitis, quæ mera liberalitate donantur, vt sunt dona gratiæ diuinæ. Neq; enim proper hoc, inquit S. Thomas loco citato, est iniquitas apud Deum, si in equalibus preparat. Hoc enim effectu iustitiae rationem, si prædestinationis effectus ex debito redideretur, & non daretur ex gratia. In his vero quæ ex gratia dantur, potest alius pro libitu suo dare cui vult, plus vel minus, dummodo nulli subtrahat debitum; iuxta illud Matth. 20. Tolle quod tuum est, & vade. Eodem modo responderet S. Augustinus lib. de bono pereuerantia cap. 8 vbi ait: Qui ergo liberatur, gratiam diligit; qui non liberatur, debitum agnoscit. Si in remittendo debitum bonitas, in exigendo aequitas intellegitur, nusquam esse apud Deum iniquitas invenitur. Sed cur, inquit, non solum in parvulorum, verum etiam in germinorum una atque eadem causa tam diversum iudicium? Nonne similis quæ efflo est, cur in diversa causa idem iudicium? Recolamus ergo illos operarios in vinea, quicquid de laborauerunt, & eos, qui hora una. Nempe causa diversa est impensis laboris, & tamen idem iudicium in redditione meritis. Nunquid & hic audierunt murmurantes a patre familiis, nisi, Hoc volo? Ita quippe eius erga alios fuit largitas, ut erga alios nullus esset iniquitas. Et isti quidem viri, in bonis sunt: verum namen quantum ad iustitiam effectus & gratiam, potest & de reo, qui liberatur, rectificari. Volo: potest & de eo quidam natu. Tolle quod tuum est, & vade: hiscautem volo quod non debetur donare. At non licet misericordia, quod voleat an oculum tuum nequam est, quia ego bonus sum? Hic ille si dicat, Cur non & milles merito audiens, o homo tu quis es, qui respondeas Deo? Quam certe in uno vestrum benignissimum largitorem, in te vero ex alterem in infinitum, in nullo tam certius iniuriam. Cum enim iustitia est, etiam si utrumque puniret, qui liberatur, habet, unde gratias agat; qui damnatur, non habet, quod reprehendat. Hæc Augustinus; quæ in omni hac materia de prædestinatione diligenter semper p̄t oculis habenda sunt, utpote sine quibus omnis alioqui humanæ ratiocinationis curiositas, & elatio, in præcipitum fertur.

D V B I V M II.

An & qua ratione detur causa meritoria totius prædestinationis ex parte Christi, seu generaliter extra prædestinatum.

S. Thomas 1, p. q. 23, a. 8.

IN præsentem considerationem veniunt, tum Christus, tum etiam alii homines, qui ad prædestinationem aliquid coferre possunt existimantur, extra & praeter ipsum prædestinatum, de quo agendum est dub. 3 & 4.

Assertio 1. Christus est causa meritoria principalis omnium effectuum prædestinationis nostræ, qui in nobis peraguntur, præsertim qui velut gratuitata Dei munera & auxilia naturæ nostræ ac donis

natu-